



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-015-4/25**
Datum: **02.04.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «RIAL-ŠPED» d.o.o. Doboj Istok za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta pogona asfaltne baze u naselju Klokočnica, općina Doboj Istok, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «RIAL-ŠPED» d.o.o. Doboj Istok, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta pogona asfaltne baze kapaciteta 120 t/h izgrađenog u naselju Klokočnica, na zemljištu označenom kao k.č. broj: 3209/2 K.O. Klokočnica, općina Doboj Istok.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnoj lokaciji i uz sljedeće uslove:
 - 2.1. Da se upotreba i korištenje instalirane opreme i objekata na predmetnom lokalitetu vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, izgradi vodonepropusna zaštitna betonska tankvana oko rezervoara bitumena u cilju prihvata rasutog bitumena a u slučaju eventualnog prosipanja ili curenja.
 - 2.3. Da se, za vrijeme trajanja ove dozvole, u potpunosti očiste radne površine oko postrojenja asfaltne baze i pretakališta kako bi se obezbijedilo da se onečišćene oborinske vode prikupljaju sistemom kanalizacione mreže sa slivnicima i slivnim rešetkama i nesmetano odvođe na tretman u separator ulja i masti. Prečišćene vode iz separatora se, preko okna za monitoring, ispuštaju u obodni kanal a potom u rijeku Spreču.
 - 2.4. Prečišćene otpadne vode, prije ispuštanja u recipijent moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Objekte koji se koriste u svrhu prikupljanja, odvodnje i tretmana oborinskih onečišćenih otpadnih voda nastalih na predmetnom lokalitetu (kanalizaciona mreža, slivnici, linijske slivne rešetke, separator ulja i masti...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje i održavanje separatora ulja i masti te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja i masti i septičke jame kao i preuzimanje drugog otpada.
 - 2.7. Sadržaj (mulj) iz separatora ulja i masti se ne smije ni privremeno odlagati na česticu «vodno dobro», odnosno u vodotok i na njegove obale.
 - 2.8. Da se skladištenje bitumena vrši u tri nadzemna rezervoara ukupne zapremine 100 m³; lož ulja potrebnog za zagrijavanje bitumena u podzemnom rezervoaru zapremine 20 m³; dizel goriva u podzemnom rezervoaru zapremine 36 m³ (samo za internu upotrebu).
 - 2.9. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.

- 2.10. Da se na predmetnom lokalitetu, osiguraju priručna sredstva za brzu intervenciju u slučaju nekontrolisanog istjecanja, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.11. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.12. Da se istrošena ulja, zauljeni otpad kao i nastali čvrsti opasni i neopasni otpad redovno odstranjuje prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istom.
 - 2.13. Vlasnik odnosno korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.14. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu predmetnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «RIAL-ŠPED» d.o.o. Doboj Istok, dana 13.01.2025. godine podnesen je ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta pogona asfaltne baze kapaciteta 120 t/h izgrađenog u naselju Klokotnica, na zemljištu označenom kao k.č. broj: 3209/2 K.O. Klokotnica, općina Doboj Istok.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra (bez broje) izdatog dana 19.11.2014. godine od strane Općinskog suda u Tuzli,
- Ovjerena kopija Rješenja o izmjenama podataka u sudski registar broj: 032-0-Reg-24-000562 izdatog dana 24.04.2024. godine od strane Općinskog suda u Tuzli,
- Ovjerena kopija Uvjerenja o registraciji poreznog obveznika izdatog dana 30.05.2024. godine od strane Porezne uprave Federacije Bosne i Hercegovine - Kantonalni porezni ured Tuzla,
- Kopija Rješenja o upotrebnoj dozvoli broj: 12-04/1-23-1811/06 izdatog dana 30.01.2007. godine od strane Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli broj: 04/1-11-21-1586/21 izdatog dana 23.03.2021. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-1/21-3-40-001-4/20 izdatog dana 03.03.2020. godine od strane «Agencije za vodno područje rijeke Save» Sarajevo,
- Kopija Rješenja o okolišnoj dozvoli broj: UPI 05/2-23-11-93/19 SN izdatog dana 18.10.2019. godine od strane Federalnog ministarstva okoliša i turizma,
- Kopija Ugovora o poslovnoj saradnji za monitoring otpadnih voda broj: 17/13 zaključen dana 08.03.2013. godine između «RIAL-ŠPED» d.o.o. Doboj Istok i «Inspekt RGH» d.o.o. Sarajevo,
- Kopija Ugovora o čišćenju separatora, sakupljanju, skladištenju i zbrinjavanju opasnog otpada broj: 197-01/25 zaključenog dana 10.03.2025. godine između «RIAL-ŠPED» d.o.o. Doboj Istok i «KEMEKO-BH» d.o.o. Lukavac,
- Kopija radnog naloga o čišćenju separatora sa pratećim/transportnim listom broj: 410-04/25 od 02.04.2025. godine dostavljen od strane «KEMEKO-BH» d.o.o. Lukavac,
- Kopije Izvještaja o monitoringu kvaliteta i kvantiteta otpadnih voda asfaltne baze «RIAL-ŠPED» Klokotnica, Doboj Istok (broj: 766/24, april 2024. godine i broj: 2119/24, oktobar 2024. godine) urađeni od strane «Inspekt RGH» d.o.o. Sarajevo,
- Glavni projekat proizvodno poslovnog objekta – Asfaltna baza «RIAL-ŠPED» Klokotnica, Doboj Istok, urađen od strane «TEHNO biro» d.o.o. Tuzla (broj projekta: 08-F/05, februar 2005. godine) – na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta asfaltne baze u naselju Klokotnica, općina Doboj Istok i tom prilikom je sačinjen Zapisnik o uviđaju broj: UP-1/21-3-40-015-3/25 od 19.02.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Pogon asfaltne baze kapaciteta 120 t/h (proizvođač AMANN T-1760) lociran je u Industrijskoj zoni općine Doboj Istok u naselju Klokotnica sa lijeve strane magistralne saobraćajnice Gračanica- Doboj.

Za isti je od strane ove Agencije dana 03.03.2020. godine doneseno Rješenje o vodnoj dozvoli broj: UP-I/25-3-40-001-4/20 od sa određenim uslovima. U toku uviđaja utvrđeno je da nije bilo izmjena u odnosu na naprijed navedeno rješenje o vodnoj dozvoli.

Pogon se sastoji se od sljedećih tehnoloških elemenata: postrojenje za predoziranje, postrojenje za sušenje i zagrijavanje, postrojenje za otprašivanje, mješaoni stub, silos za smješu, silosi za mineralni asfaltni prah, rezervoari za smještaj bitumena, rezervoar za lož ulje, rezervoar za dizel gorivo. U krugu kompleksa izgrađen je objekat uprave, interne saobraćajnice, parking i radno-manipulativne površine, septička jama i separator ulja i masti. Sav proces proizvodnje je automatizovan od preddoziranja do utovara gotovog asfalta. Procesom se upravlja iz komandne prostorije koja se nalazi na samom pogonu.

Bitumen koji se koristi kao sirovina za proizvodnju asfalta skladišti se u 3 nadzemna čelična rezervoara ukupne zapremine 100 m³ dok se smještaj lož ulja vrši u podzemnom čeličnom rezervoaru kapaciteta 20 m³. Skladište dizel goriva (samo za internu upotrebu) vrši se u podzemnom rezervoaru kapaciteta 36 m³.

Oko rezervoara bitumena nije izgrađena tankvana za prihvatanje bitumena u slučaju eventualnog prosipanja ili curenja.

Snabdijevanje vodom za sanitarne potrebe uposlenih je obezbijedeno priključkom na gradski vodovodni sistem kojim upravlja JKP «ČISTO» d.o.o. Doboj Istok dok se sanitarno fekalne vode iz sanitarnog čvora za uposlene prikupljaju zasebnom kanalizacionom mrežom te odvođe u septičku jamu bez preliva za što je od strane nadležnog Ministarstva Tuzlanskog kantona izdat vodni akt.

Onečišćene oborinske vode sa radnog platoa, prostora oko istakališta, saobraćajnih i manipulativnih površina koje mogu biti opterećene naftnim derivatima kao i suspendovanim materijama prikupljaju se sistemom slivnika, slivnih rešetki i kanalizacione mreže i odvođe na tretman u trokomorni separator masti i ulja. Nakon tretmana, prečišćene vode se preko okna za monitoring ispuštaju u obodni kanal a potom u rijeku Spreču. Monitoring otpadnih voda se vrši redovno. Na uvid predloženi izvještaji o ispitivanju kvaliteta otpadnih voda za april i oktobar 2024. godine urađeni od strane «Inspekt RGH» d.o.o. Sarajevo. Prema podacima iz dostavljenih Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije. Čišćenje i pražnjenje separatora ulja i masti vrši se od strane firme «KEMEKO - BH» d.o.o. Lukavac prema ugovoru - priložen radni nalog sa pratećim/transportnim listom o čišćenju separatora od 02. aprila 2025. godine).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog poslovnog objekta u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «RIAL-ŠPED» d.o.o. Doboj Istok, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta pogona asfaltne baze kapaciteta 120 t/h u naselju Klokočnica, općina Doboj Istok, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-015-2/25 od 17.02.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «RIAL-ŠPED» d.o.o. Doboj Istok
ul. 4. maja br 8 74207 Klokočnica, Doboj Istok
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava